



E. 37^r. B.


Est - 111

n^o - 120





1. Encomium Imp. Carolo V. à Joa. Bap. Alincoro.
2. Constitutiones Majoris Collegii Granatensis.
3. Dula de erección de dicho Colegio = Granada = Polibon = 1652.




Appl. Schomus

Est. 17. Feb. 13.

1778

at 25, 21, 11



10
ENCOMIUM.

IMP. CAROLO V.
PIO, INCLYTO; FOELICI, TRIUMPHATORI
CAESARI SEMPER AVGVSTO, ET
HISPANIARVM REGI.

[Auctore Ioa. Bap. Rhincono Carpentano Imperiali Collega.]

A Vstriadum genus armipotens, opibusq; superbum,
Et Regnum serie, stemmatibusq; suis
Dicere fert animus; tanto sed nostra Thalia,
Est impar operi, nostraq; auena rudis.
Meonius vates, Phæbæ, aut Musa Maronis,
Vix canat hæc d'gnis arma, virosq; modis.
Carolus Austricę gentis decus, inclytus heros,
Peleida est maior, & duce Dardanio.
Qui cecinerunt virum captæ post tempora Troicę
Cęlaris haud possint laudibus esse pares.
Quis furor ergo mihi mentem rapit, inuia magnis,
Vatibus, vt tentem facta subire prior?
Sim venia dignus: grates sic deniq; reddo,
Quas possum, nostro gratus alumnus, hero.
Vel canis ad mensam laute nutritus herilem,
Cauda etiam grates in dice lætus agit.
Ingenij, sed enim parvę dare vela carinæ,
non ausim: tantis ne superetur aquis.
Non capit Augustas millesima pagina laudes,
Pictoris stylus hic ergo sequendus erit.
Insolita vt vasum depingeret arte Gigantem,
Oblata artifici parua tabella fuit.
Cunctatus tandem digitum delineat albo,
Immanem, ex digito noscitur ergo Gigas,
Sic & in angusta membrana pro indice ponam,
Quę mihi sollicito nostra Camęna dabit.
Carolus in terris hinc vsq; ad Sydera notus,
Novit & extremus decolor Indus eum.
Ille mari notus Neptuno iure tridentem,
Eripit, & tyridum fluctibus imperium.

Præclarus forma, insignis, & corpore toto:
 Vel solum id Regis Itemmate dignus erat.
 Religione pius, felix imitator auorum,
 Et patrum tenuit funditus ille Fidem.
 Ecclesiæ clypeus, & murus aheneus almæ,
 Obiecit pectus hostibus intrepidum.
 Hæreticos ferro, flammaq; vrgere nefandos,
 Grassantem aggressus sic abolere licem.
 Quos diuis, summoq; Deo reddebat honores,
 Quasq; præces? aris munera quanta pijs.
 Non pietate fuit maior, qui ex igne Penates,
 Eripuit, pelagi perq; pericla tulit.
 Non qui seruauit flagranti ex æde Mineruam,
 Non Numa Romana religione prior.
 Iulitiani coluit peccantum acerrimus vltor:
 Distribuit meritis præmia digna bonis.
 Parcere subiectis, & de bellare superbos,
 Vrbibus, & populis iura sequenda dare.
 Iure magistratus, turpi non ære creabat:
 Quo magis impuris sordibus abstineant.
 Alter Alexander fortuna, & moribus, alter
 Ille Titus Romæ charus, & orbis amor.
 Sic tandem imperium concordæ oace ligauit,
 Cesseruntq; diu bella cruenta togæ.
 Horrida sed postquam sese conuertit ad arma,
 Vulnificam credas Martis habere manum.
 Hæctora, magnimuntq; armis referebat Achilem:
 Dum bellum inferret, vel tueretur a gros.
 Ille dolos Ithaci, Diomedis, & aspera pugnae,
 Robora laudatur conciliaisse sibi.
 Testis erit Germaniæ quondam opima triumphis,
 Cæsaris, & domini iussa subesse iugo.
 Romanæ Fidei pugnantis colla tyrannum,
 Germanorum armis fregit, agente Deo.
 Fudit Hyperboreas acies, eursuq; citato.
 Venerat, & vidit, atq; trophæa tulit.
 Impius in prædam celsit Saxonius heros:
 Victoris domitus procedit ante pedes.
 Hic iacet, in cœlum pugnam qui more Gigantum,
 Anguipedum mouit: sit ouat ira Dei.
 Coepit Aphrodisium Libicis in sinibus vrbem:
 Cuius non fuerunt mœnia tuta suis.
 Tuncetis Regem ex torrem miseratus in arcem,
 Restituit Regni, raptor, & inde fugit.
 Mouit ad Argelicos victricia, & agmina muros,
 Solueret, vt genti vincula dura piæ.

Frangere certus erat Hispano milites portas,
Atq; Aquilas media ponere in vrbe suas.
Interea magno misceri murmure cœli,
Incipit, increbuit turbinis instar aqua.
Tam vehemens nimbus, tempestateiq; sonore:
Vt fuerit visus præcipitare polus.
Destitit incapto: ne contra iussa Tonantis,
Et cœlo inuito Martis iniret opus.
Nauibus impositis cunctis, retinacula clasi,
Solut, & est terris redditus inde suis.
Sedauit patrios, ciuilia bella, tumultus,
Motos: dum Hesperia finibus abfuerat.
Non aliter pelago naus quam orbata magistro,
Quæ iactata vndis mille pericla subit.
Hic magis illius claret, quam dulcis Iuli,
Blandium, & mitte ipsis hostibus ingenium.
Perfidia in paucis sceleratos vindicat ausus,
Immune, & poenæ vulgus abire iubet.
Pandite Cætalides vestrum, ó Heliconæ sorores:
Francorum excidio Cæsar in arma ruit.
Parcite iam Reges tantum committere bellum:
Fœdera quin socia iungite pacta manu.
Tuq; prior iuuenis, Gallium Rex inclyte mentem,
Pone istam, & forti projice tela manu.
Vicit amor belli, laudumq; immensa cupido,
Agmina, & agminibus conseruere duces.
Cessant victi tandem, gens bellica Galli:
Rexq; suus captus maxima præda fuit.
Captiuum Cæsar lacrymis excepit abortis,
Victoris nolens iura manere sibi.
Tolle tuum, præcor, Annibalè, victumq; Syphacè,
Scipio, nulla istis clara trophæa magis.
Tu quoq; Cæsareas vidisti Roma cohortes,
Inq; tuum recidit Franca ruina caput.
Ingentes omneis quondam, quæ sepe triumphos,
Egerat, in spoliū se modo, victa dedit.
Non etiam Alcides tantum telluris obiuit,
Quantum & hic nosse imperator adijt.
Gadibus immensam concluderat Hercules orbem,
Non plus ille vltra limitis esse putans.
Carolus Augusto laxauit, tramite mundum,
Pluq; vltra terræ iam super esse docet.
Ipse sibi tanti quas sumpsit monumenta columnas,
Quas fixit durus Amphitryoniades.
Postibus hæc nostris clara ornamenta, sigillo,
Et nostro cum Aquilis, stemmatibusq; suis.

Carolus extremos primus penetrauit ad In.los,
 Hispanusq; orbem coepit habere nouum.
 Affuit ergo aetas, qua non est vltima Thule:
 Vt cecinit vates carmine veridico.
 Cui magnus Fernandus auus, genitorq; Philippus,
 Moribus (vt docui) solus vtrumque refert.
 Felix Caesar auis, felixque parentibus almis,
 Et prole, ac felix posteritatis auus.
 Natu illi maior sobeles preclara Philippus,
 Cui fato, & titulo nemo secundus erit.
 Non, mihi siccum linguae sunt, oraque centum,
 Percurram laudes magne Philippe tuas.
 Quo me Carolides Turcis formido tyrannis
 Et tanto dignus tu quoque patre venis?
 Ottomana domus nauali exterrita bello,
 Efferrer eternum nomen in astra tuum.
 Quid memorem tandem praecclare gesta Vienna?
 Quorum ope res omnis publica salua fuit.
 Annauit Turca ingenteis, fortisq; phalanges,
 Excidium Hesperiae triste, necesseq; minans.
 Credimus innumeris constratum clasisibus aequor,
 Quantas nec Xerxes duxit in arma ruens:
 Defecisse aneis, epotaq; flumina Mauro
 Prudente, atque Asiæ milites, e quisque feris.
 Tertia pars hominum vix tunc peritabat in armis
 Cesatis auxilio, nec bene tua loco:
 Ardebant, sed enim violenti Martis amore,
 Nixi animo, atq; magis omnipotente Deo.
 Turpi terga fuga vertit laeuissimus hostis,
 Et lacer in patriam fulminis instar abiit.
 Sed maiora manent Augusti exempla trophaeis
 (Sint ea multa licet) annumeranda suis.
 Imperio, & regno cessit, natoque Philippo
 Tradidit: & monachus maluit ille mori.
 Imperium terris, animos aequauit Olympo:
 Dum sceptrum tenuit, & diadema libens.
 Hac maior virtus sese vicisse, rebelles
 Quam populos, hostes, & superasse feros.
 Sed quæ Granatæ me tanta obliuio coepit?
 Debet, & hæc domino munera multa meo.
 Inclutus hanc urbem Sarraceno ex hoste recipit
 Fernandus Fidei murus, & vmbo Dei.
 Carolus ornauit operum monumenta relinquens,
 Coepitque magnanimus auxit auita nepos.
 Collegij molem media construxit in vrbe,
 Excelsæ turris, arcis, & instar opus.

Hercu-

Herculeis fultum magnis, Parijsque columnis:
 Frons, valvæ ostendunt Cæsar, is esse domum.
 Intus habet Musis erectum grande Lyceum:
 Diuus Aquinas hic, Hippocrateique viget.
 Pontificum placita, & prudentum iura virorum,
 Doctus Aristoteles, grammaticusque labor.
 Sacræ alit, & musæ Collegas, Iustinianos,
 Et quos Decretum laurea parta iuuat.
 Lutea cuiq; chlamys, Tyriumq; in signe decori
 Purpura, nobilibus vestis amica, rubet.
 Raris illa datur, laudat quos docta facultas,
 Moribus, & clara nobilitate pares.
 Hos equidem expectant sublimes iure cathedræ
 Anulus, atque sacer, caussa, & ostrifera.
 Iura Senatorum, fascès, regale tribunal:
 Quæ vtinam ex meritis donet vtrisque Deus.
 Ergo agite ó memores fratres, magniq; sodales
 Augusto grates, qui bona tanta dedit:
 Spargite humum violis, & sacram floribus vnam
 Cæsaris: hæc pietas, & sua dona petunt.
 Thure parentate, & precibus, sacrisque litatis:
 Reddite vos diuo vota quotannis hero.
 Augustos manes ó terque, quaterque vocate:
 Ferte etiam nomen in astra suum.
 Dum celebris Daurus Eliberim excurrat in urbē,
 Singulis, & campo defluet amne leui.
 Dum iuga, cæde sua tinxit quæ Aquilarius heros,
 Perpetua fuerint frigida, & alba niue.
 Florebit pulchris, & dum Granata puellis,
 Et multa Tisbes arbore diues erit.

F I N I S.

Handwritten text, likely bleed-through from the reverse side of the page. The text is mirrored and difficult to decipher due to the bleed-through effect.

